

福建通志

第捌拾冊
儒林傳

福建儒林傳卷一

五代

陳雍字致堯莆田人博通諸經善文辭憲章典故尤所諳練初仕閩去而入南唐保大中以通禮及第授太常博士嘗進祖宗配郊位議其略曰禘郊祖宗之文有以遠祖而配者始封之君是也若皇唐奉太祖景皇帝冬至配圓丘夏至配方澤法周人郊后稷之義有以近祖而配者受命之君是也若高祖神堯皇帝孟春配祈穀法周人祖文王之義太宗文皇帝孟夏配雩祀法周人宗武王之義我烈祖再造區宇建七世之廟奉高祖居昭穆之上景皇帝不在太祖之位故以高祖配天地太宗配雩祀所以配雩祀者蓋興復以來未暇祈穀之祭故也竊以烈祖功格上玄中興垂統禮合躋升之義位崇昭配之文不若建孟春祈穀一祭以太宗從下佐食然後奉烈祖高皇帝孟夏配雩祀庶使尊祖之禮得申齊聖之食無曠事下尚書省眾官定議是時制度踈略尊卑淫侈雍奏保大以來條約庶民

居止舍宇閒架無過高大衣服車馬各有彰別今者市塵閭閻之間銷金
畫繪爲婦人裙衣中被之類爭競紛華漸漬成俗既而正金銷盡朽壤同
歸數年之間奢蠹尤甚陛下卽位十有三載躬行節儉未嘗怠佚而於有
司之官法度不考憲式不彰臣竊惜之乞宣下所司特頒嚴勅漸變頽風
報司吉州請旌孝子翟處圭等門閭中書舍人張緯以爲鄉民苟避徭役
旌之則遞相倣倣格弗行雍言自古以來孝義著聞者絕鮮陛下盛德所
感相繼膺臺者二人而已懲惡本欲人懼賞善本欲人勸果其遞相倣倣
則是陛下敦勸之有驗也如不做倣旌表何爲後主煜納后開元禮久多
闕雍習知沿革隨事補正煜使徐鉉與潘佑參議佑立論以沮之雍既不
爲衆所喜故久困下僚開寶末隨煜入宋除祕書監致仕比至家陳洪進
辟掌書記未幾辭去嘗撰五禮儀鑑好事者復編其南唐議禮諸論爲曲
臺奏議云

江南餘載八閩通志閩書

案江南餘載作陳致堯雍是名雍字致堯也而八閩志閩書作致雍而

無字蓋涉致堯而誤耳

福建儒林傳卷二

宋

宋咸字貫之父樂守太子中舍致仕由南昌徙建陽生咸登天聖三年進士乙科歷知尤溪縣端愼公廉判決無滯重建廟學教養有方累官知邵武軍立學置田以養士慶厯元年除太常博士知瓊州瓊儋在海外舊未置學咸奏請設學賜經史以變夷風集諸生讀五經於先聖廟建尊儒閣暇日親爲講授置學田以資膏火由是州人始知學移守韶州奏誅悍卒境內肅然狄青經制廣西薦咸爲轉運判官邕州賊平以功轉職方員外郎仍留任尋遷轉運使嘉祐六年交趾與甲峒蠻寇邕州詔經畧使蕭固發諸郡兵赴邕州咸及提刑李師中議掩擊之已而師中劾咸黨附知州蕭注坐追官勒停官至都官郎中咸多歷外任每任所撰著輒爲一集一時諸賢皆爲之序有易註毛詩正紀外義論語增註揚子法言註朝制要覽諸書而所註易及法言大爲歐陽脩所稱五世孫翺

萬統譜聞書道光緒志

翔字子飛一字志騰七歲時劉子暈命賦燈詩援筆立成大爲所稱實紹興一二年由童選第進士累官國子監簿受知張浚爲浚十客之一時羣太后旣歸慈寧宮祥瑞交至翔獻紹興樂府十二章一時文譽隱然動京師尋差湖南帥司參議以朝散大夫致仕有梅谷集

國書

阮逸字天隱仙遊人天聖五年進士調鎮江軍節度推官景祐初詔天下有深達鍾律者所在以名聞知杭州鄭向言逸通知古樂上其所撰樂論十二篇并律管十三召逸詣闕命同禮賓副使鄧保信湖州鄉貢進士胡瑗校定舊鍾律逸專主分方法取上黨柅黍大者爲度求尺製黃鍾之律復進周禮度量議詔翰林學士丁度等詳考得失度等言逸以大黍爲尺小黍實而自戾本法而度量議欲先鑄嘉量然後取尺度權衡法亦疏外不可僣用右司諫韓琦復論逸與瑗保信所造鍾律連經乖古逸乃上言臣前蒙召對言王朴律高而李照鍾下竊覩御製樂髓新經歷代度量衡篇言隋書依漢志黍尺制管或不容千二百或不啻九寸之長此則班志

已後歷代無有符合者惟蔡邕銅龠本得於周禮遺範邕自知音所以只傳銅龠積成嘉量則是聲中黃鍾而律本定矣謂管有大小長短者蓋嘉量既成卽以量聲定尺也今議者但爭漢志黍尺無準之法殊不知鍾有鈞石量衡之制臣所以獨執周禮鑄嘉量者以其方尺深尺則度可見也其容一鬴則量可見也其重一鈞則衡可見也聲中黃鍾之宮則律可見也既律管量衡如此符合則制管歌聲其中必矣臣見鑄成銅甌欲乞再限半月更鑄嘉量乃取李照新鍾就加修整務合周制鍾量遭法復下度等參定度等皆以爲非詔悉罷之然猶以鑄造推恩除逸鎮安軍節度掌書記康定元年入爲太子中允上鍾律制議并圖三卷慶厯初遷太常寺丞三年始置武學以逸爲武學教授已而學廢改兼國子監丞尋爲睦親宅教授會與宗室倡和逸有易立泰山石難枯上林柳句怨家造逸謀不軌方下吏泊而逸復坐他事遂除名勒停竄遠州皇祐二年將祀明堂言者以爲鑄鍾持磬未協音律復召逸赴大樂所同太常寺定鍾聲制度明

年十二月鑄成召兩府及侍臣觀新樂於紫宸殿賜名大安然逸所造視舊樂止下一律而鍾聲舛鬱震悼不和滋甚五年詔南郊姑用舊樂其新定大安樂惟用之常祀及朝會逸以制律成復勅停爲戶部屯田員外郎既而翰林學士胡宿言新樂未施郊廟先用於朝會非先王薦上帝配祖考之意仁宗以爲然逸樂遂不復用

八閩通志閩書

蔡元鼎漳浦人號象齋少以文章自豪宋初屢徵不就講學大帽山生徒千人著有中庸大學語孟講義洪範會元雜類詩

八閩通志道光舊志

吳秘字君謨甌寧人景祐初擢甲科爲侍御史知諫院以言事出知濠州累官提點京東路刑獄所著有周易通神五卷及楊子註太玄箋賞嘆春秋三傳同異欲作集解因乞閒郡除同安

八閩通志閩書

茅知至仙遊人操尚介潔不求聞達講明六經之道以淑後進邑自五季以來文士多尚詞賦知至始以經學倡蔡襄極敬重之稱爲宿德老儒轉運使龐籍薦於朝景祐四年授國子助教著有周詩義二十卷至性書三

卷二十一 史釋注十三經旁訓諸書

閩書仙遊縣志

周希孟字公關侯官人通五經尤邃於易與陳烈陳襄鄭穆爲友閩人號四先生知州劉夔曹穎叔蔡襄皆親至學舍質問經義旣而部使者相繼論薦詔賜粟帛授將仕郎試國子監四門助教充本州學教授三表力辭不許卒門人曾伉等七百人相與塑像祠于五福寺有詩義春秋義并文集行世

入關通志

陳祥道字用之閩清人

三山志作祐之宋史作用之一本作復之未詳孰是

治平四年進士歷官國

子監直講遷太學博士元祐七年以所撰儀禮注解及禮書上於朝給事中范祖禹言祥道用意專精求之諸儒未見其比乞付太常以備禮官討論詔送兩制看詳除祥道祕書省正字兼館閣校勘上言禮文有合行改正者貴人賤馬古今所同覲馬在庭而侯氏升堂致命聘禮亦馬在庭而賓升堂私覲今元會儀御馬立龍輝之上王公侍從班在丹墀雖居馬前而特進以下皆在沙墀實居馬下不稱尊賢賤馬之意臣竊謂元會儀章

輅既在庭中若以御馬在庭輦馬相須於義爲允從之祥道博洽典故朝
廷禮儀多所質正自言由漢以來千有餘載其閒欲起禮法於上者非一
君欲成禮法於下者非一臣有是君而不足副之則禮道終不明有是
臣而上不能任之則禮事終不行此龐政薄俗所以繼作也議論甚醇正
時不能行明年除太常博士賜緋衣祥道初仕時父以公人死而祥道任
其罪久廢中閒爲太學博士亦坐累故仕宦二十七年而自止於宣義郎
至是賜緋不踰旬而卒弟暘

暘字晉之紹聖元年試賢良方正能直言極諫科中第五等推恩

案本史本傳云

紹聖制科未指爲六科中何科四朝閒見錄謂試才識兼茂科中選考宋
史全文載是年九月丙午策賢良方正能直言極諫科庚戌三省同進呈
張咸吳儔陳暘三人中第五等

推恩則暘非中才識兼茂科

授順昌軍節度推官徽宗卽位暘進迂衡

集以勸導紹述得除太學博士遷祕書省正字崇寧初禮部侍郎趙挺之
言所撰樂書二百卷貫穿明備乞援其兄祥道進禮書故事給札旣上命
禮部尙書何執中看詳執中覆奏暘欲考定音律以正中聲願送講議司

今知音律者參驗行之遷太常寺丞時魏漢津議樂用京房二變四清法
賜曰五聲十二律樂之正也二變四清樂之蠹也二變以變宮爲君四清
以黃鍾清爲君事以時作固可變也而君不可變太簇大呂夾鍾或可分
也而黃鍾不可分既有宮矣又有變宮既有黃鍾矣又有黃鍾清非古人
尊無二上之旨宰相蔡京方右漢津絀賜議還鴻臚太常二少卿進禮部
侍郎以顯謨閣待制提舉醴泉觀賜論樂以周官圜鍾函鍾黃鍾爲宮如
三統三正不過子丑寅而上頗與他家異其言古無二變四清欲盡去之
亦多爲後人所詆然於歷代製樂源流以及器用舞曲無不該洽前此樂
家未有比也樂書外著有禮記解義十卷孟子解義十四卷北郊祀典三
十卷以上宋史東都事略

黃君俞字廷僉莆田人父問博通五經創上林義塾以聚英俊君俞少強
學著書名動京師嘗試開封第一四黜於禮部治平四年知制誥鄭獬御
史中丞滕甫參政吳奎交章論薦新進士許安世等二百餘人上書闕下

乞輟所得恩命命君俞族子隱亦在內遂以隱所讓召試除撫州司戶歷
眞州軍事推官知鎮江軍金壇縣熙寧十年陳襄爲樞密院直學士奏言
君俞力學篤行高出輩流博通諸經多所撰述晚年謹身率職其操勵
乞置之館閣詔以爲崇政殿校書改館閣校勘未幾卒有六經闕言四十
八卷閩書山谷全書

周誥尤溪人熙寧六年登進士第歷知廣州新會縣會王安石行新法郡
縣風靡誥獨不奉行政書政府力陳其弊因求歸田里所著有孟子解義
禮記說一時門生稱爲周夫子同郡王端字道原善講學最爲范祖禹所
重嘉祐八年進士中第八閩通志

劉詵字應伯福清人父處約皇祐元年第進士官至殿中丞詵登熙寧九
年進士第歷莆田主簿知無爲軍廬江縣崇寧元年詔置大樂講議局博
求知音之士詵素通律呂召爲講議司檢討官四年充大晟府典樂詵嘗
上歷代雅樂因革及宋制作之旨故委以樂事至是復言周官大司樂禁

淫聲慢聲蓋孔子所謂放鄭聲者今燕樂之音失於高急曲調之調至於
鄙俚恐不足以召和氣宋火德也音尚徵徵調不可闕臣按古制應十二
宮以七聲得正徵一調惟陛下裁取徽宗曰卿言是也五聲闕一不可徵
招角招爲君臣相悅之樂朕所欲聞卿宜爲朕司之他日禁中出古鐘二
詔執政召詵按於都堂詵曰此與今太簇大呂聲協取大晟鐘扣之果應
又曰鐘擊之無餘韻不如石聲詩所云依我磬聲者言其清而定也復取
磬以合之聲益諧乃詔頒詵所上徵聲令大晟府同教坊依譜按習時宰
相蔡京方用劉昺爲大司樂編修樂書詵說終不盡行也歷宗正鴻臚衛
尉太常諸寺少卿後奉詔纂續因並禮部太子彥適國書作彥適登崇寧五年
進士官至廣西經略使再知徐州宋史開書

黃贊字仲實浦城人震曾孫也其從祖鑑名尤著贊元祐中登第爲贛縣
尉居官不能俯仰罷去再起爲宣城丞久之調奉新令不赴少年時嘗著
易傳推明大衍之數號精確云八閩通志

張翊字舜元仙遊人恬淡好學尤用心於易以爲繫辭者聖人所以翼經大例當在於此乃屏置諸家傳注獨執經誦之凡三十年久而忽悟引鼓目過竟日不已乃以所得著爲易解大約謂聖人作易以前民用推原象數一字皆有所本上極道德性命之理下及昆蟲草木之微禮樂典章法度可指吉凶悔吝動靜先知凡數百條紹聖初章惇以其書上詔付祕書省賜號葆光處士三年朝奉郎林伸等百五十三人列薦於守帥邵使者奏上勅授福州司戶參軍充泉州教授未赴官卒

黃裳撰序黃穎撰序閩書道光舊志

案乾隆續通志人物傳張珂葆光處士弼子紹聖閒以明經官右正言兼樞密院編修元祐諸臣謫嶺南珂申救不納願與同貶慷慨登途未至貶所而卒云云考莆陽比事莆陽文獻宏治興化府志八閩通志閩書皆不言弼有子珂朱彝尊經義考載章惇獻弼易解事亦無珂名續志本於乾隆間陳興祚所修縣志恐沿譜牒之訛附辨於此

倪登字彥及福清人元符三年進士宣和中朝請大夫以取燕雲奉使沒

于王事贈太中大夫有論語解行世

閩書

鄭廷芬字國華興化人大觀三年進士累太學博士提舉漳州路常平成都路轉運使爲文華贍雅正自成一家有易索隱等書

閩書

潘殖字子醇浦城人自號浩然子大觀中兩以鄉薦上禮部不遇建炎二

年始由特科得官調眞州推官初好王安石學後悟其非用乃克已至忘

寢食久之有得著易說忘筌書推明象數闡發圖書宗旨復以九疇與卦

德變方不同而引類則一各演爲圖劉子輩稱其得學易門戶於易之復

胡憲劉勉之皆喜之而殖每自謂學從窮神入人莫測其間

道光舊志

吳駿字希遠浦城人元豐八年第進士調上黨簿薦知虔化縣通判永州

以謫謫池陽政和初中丞吳執中抗章爲辯其枉通判饒州不幾告老所

著有詩解二十卷文集十卷

閩書

何允字太和邵武人重和元年進士調廣西提刑司檢法官

不平馬伸撫

諭廣南見允賢之奏爲屬因授以所聞於程氏之說且悉以十生出處大

昌建需水專宗

節告之既而伸坐論時事貶死允歸守其學不少變紹興中爲辰州通判
觀郵報秦檜自陳存趙之功謂他人莫預允徑取所輯伸事以達尚書省
以明伸移書爲楚斥使避位之節檜惡其分已功下允荆南獄削官貶
竄檜死始復官所著有易傳學者稱龜津先生

八閩通志

鎬字叔京允之子承家庭源委又與朱熹友善講辯精密一思操存言行
相循沒身不懈以父任補安溪簿未赴江西帥辟機宜再調汀州上杭丞
治尚寬簡白罷無名征賦部使者鄭伯熊病郡事不理繫者以至累月乃
檄鎬佐其守鎬悉取文書閱視得其情持白守決遣之旬日自盡又以田
稅不均貧弱受病條其說甚詳而守顧不悅鎬卽謝去一時回其學行多
師尊之循資調潭州善化令將行而卒鎬論經史時事簡易以暢嘗扁其
書堂曰高遠以見志有易學語說熹謂可傳者又有臺溪集數十卷學者
稱臺溪先生

八閩通志

王普字伯熙閩縣人登宣和三年進士第歷太常博士紹興初輔臣請以